

宋

會

要

宋會要 監牧

牧養上下監二監大中祥符四年十一月羣牧制置使  
奉請以在京諸坊監及諸軍病馬就京城西開遠門外  
草地分作兩監量破草料牧放詔以為牧養上下監馬  
重病者送下監輕者上監 太宗雍熙二年九月太宗  
幸天駟監閱馬詔宰相樞密三司節度使上將軍翰林  
樞密直學士軍校自選名馬既而帝親選賜之厯四監

而還

真宗景德二年二月以鄭州養馬務病馬於京

城置坊養飼之

大中祥符元年六月羣牧制置司言

內外廐牧月供馬籍未有懲勸之法今為定式以付之

違者欲差置其罪從之

二年五月詔在京養馬院務

坊監槽頭刷創各依元舊軍例支給請受外槽頭每人

日別支口食米豆各一升刷創日支米一升如闕刷創

於長行內揀差闕槽頭於刷創內不拘名次選小心勤

勞者依例奏補其節級即於槽頭內揀差委提調使臣

常切覺察如有慢易不得力者申群牧司勘斷訖勒充

長行

九月詔左右驥驥院及諸坊監馬數自今旬奏

月日首日奏之繁也

三年正月詔左右驥驥院及諸

坊監馬官自今並以三年為滿如篤知馬事欲留者羣  
牧司保薦以聞當徙涖他監 四年十二月詔羣牧司  
在京兩院坊監自今病患馬數令醫獸人逐匹當監官  
使臣前看驗排所患病名輕重分作兩等記號委羣牧  
司官員點檢過轉送與養馬務養放醫療如本務人少  
即於坊監押那差撥其醫較施死馬數並令養馬務一  
面官認比較施行每年所管醫療馬至年終據本務應  
管病馬內斃死數目比較其使臣勾當二周年即將前  
界醫較施馬比較分數開坐以斃馬一分至三分乞與  
改轉二分已下賞錢五十貫三分已上二十六分五  
分已上不支賞六分已上罰一月俸七分已上罰一季

俸八分已上勘罪以聞乞行嚴斷又兩院坊監止養好馬如有轉却病馬并在坊監挽死數目候至年終比較一處算數如比諸坊監最少即給賞錢若是數多即相度第等科罰仍委兩驥驥院監官或羣牧官員逐時點閱病惡馬數逐旋轉送無致積壓候至十二月終須管盡轉與養馬務醫療即不得公然啟倖蔽隱留在坊監致有隔年方始轉送如違其干繫人並劾罪科斷其使臣三周年一度磨勘及獸醫人比較將轉却病馬與死數一處紐算分數並依元勅施行 五年四月羣牧制置使言左右驥驥六坊監見飼馬萬七千匹所費芻粟四百萬今請止留馬二千餘悉遣就淳澤監放牧或言

有給用可信宿而至歲有芻粟三百餘萬從之 七年  
九月詔自今坊監兵士有會諸作工藝並令止絕不得  
更於諸處交陳文狀有所規避 天禧二年六月詔應  
內外臣僚自今有差出勾當公事若經馬監州軍路分  
過往如不係管轄不得輒於坊監內安下如違仰羣藝  
司具職位姓名以聞 神宗熙寧三年三月六日詔以  
左右天駟四監併作左右天駟兩監 八年二月十一  
日詔權廢罷左右天厰坊 八年三月詔牧養監裁減  
兵員其將校安步軍司比類軍分移隸兵士依廢左右  
天厰坊例施行從羣牧司所請也 以上國朝會要高宗  
建炎三年四月十三日詔左右驎院官吏減半 紹

興四年三月二十日詔左右驥驥院今後入殿供進祇  
應御馬每匹每分支破十分草料二十一年三月三日  
詔交趾郡王大禮給賜馬二匹令廣南西路經畧安撫  
司一面應副 二十六年八月二十一日詔驥驥院左  
右教駿四指揮每指揮通見管人數權作一百人為額  
先是在京日共二千九百四十八人紹興八年十月  
十日詔每指揮權作五十人為額至是以本院言差使  
不足故有是命以上中興會要孝宗乾道九年五月十  
八日詔左右驥驥院御前馬院近年諸處進馬數多闕  
人照管養馬限一月劄招剌教駿一百五十人今後遇  
闕於御前馬院馬監揀刷諳練鞍馬子弟招剌如不足

一面收刺御馬院同此制以上乾道會要諸州監務諸州牧馬監附河南府洛陽監舊曰飛龍院太平興國五年改牧龍坊景德四年十一月陳堯叟奏請以東京右養馬務人員兵士送河南府牧龍坊牧養在京送去少嫩馬仍改為洛陽監天聖六年十一月羣牧司言廢監見馬支配諸軍兵級充本京廂軍其地募民耕佃景祐二年五月復置大名府大名三監太平興國三年內置養馬務改牧龍坊景德二年五月分為二坊七月改為大名第一第二監大中祥符二年又置第三監於洺州境洺州廣平二監建隆二年置養馬務改牧龍坊景德二年七月改為廣平監大中祥符三年閏三



月羣牧置使言河北孳生馬多可更於邢洺趙州境標地萬頃以廣放牧因詔增置第二監景祐二年廢其一

衛州淇水二監 周顯德中置牧馬監建隆初增葺後改東西牧龍坊景德二年七月改為淇水監後又分為第一第二監熙寧七年四月合併為一 管城原武監 舊曰馬務建隆初增葺後改為牧龍坊景德二年二月分為第一第二牧監七月改為廣武監大中祥符二年改原武監仍合為一熙寧七年四月廢併分孳羣馬於洛陽單鎮兩監牧放 同州沙苑二監 建隆初葺故地為監後改牧龍坊景德二年七月改為沙苑監

治平六年十一月分為二監每監牧馬四千五百匹

相州安陽監 周顯德中置馬坊建隆初增葺後改牧  
龍坊景德三年七月改今名 澶州鎮寧監 建隆初  
濮州置養馬務開寶八年移於澶州後改牧龍坊景德  
二年七月改今名乾興元年十二月廢 白馬靈昌監  
舊龍馬監後改牧龍坊景德二年七月改為靈昌監  
天禧三年河決羣牧司請以監馬送大名淇水五監牧  
放候水落別為規畫後遂廢 邢州安國監 大中祥  
符二年河北諸監言邢趙草地甚廣宜置監牧遣羣牧  
判官括視閑田得萬餘頃可牧馬萬匹其年八月置監  
養放孳生鞍馬景德二年春廢後給充天慶觀莊田  
鄆州東平監 大中祥符元年十一月置天禧五年正

月廢羣牧司請以監馬分配諸處其地分募民分佃之  
熙寧七年二月六日廢 中牟縣淳澤監 大中祥符  
四年置乾興元年四月廢 許州單鎮監 大中祥符  
六年七月羣牧制置使言單鎮有牧地詔置監自天聖  
五年凡再置而廢 同州病馬務 景德元年置初以  
以沙苑監官兼主之別養本監及諸處病馬天聖二年  
別差使臣勾當 真宗 咸平六年十二月羣牧司言  
牧龍坊兵士乞給皮毛裘牧放上曰迴野苦寒賜之可  
也若郊野之內被毳牧馬有類胡服可令以阜紬表之  
以賜 景德二年七月四日羣牧司言按唐六典凡馬  
有左右監仍以土地為名欲將諸州牧龍坊改為監以

本州軍土地為名先是諸坊借用奉使印今請各鑄印  
給用從之 大中祥符二年二月帝謂知樞密院王欽  
若等曰諸州防監各有提點使臣唯京師監牧本司官  
員無暇糾察可差使臣二人提點坊監仍隸本司統轄  
又羣牧制置使上言提點坊監使臣相度同州沙苑監  
自來祇養牝馬乞改充孳生監緣無四時草地初冬即  
須還廐與河北諸監不同自前亡失馬數甚多生駒皆  
不壯健欲令羣牧副使闔承翰等相度如別有草地可  
四時牧放即具以聞如須初冬還廐即罷經度從之  
仁宗景祐元年三月二日定奪所言臣僚起請乞廢河  
北馬監等事今勘會河北諸監所管鞍馬不少即未見

逐色有無歲數過大及病患孳生馬數乞差官往彼揀  
選編排各別立項申奏從之四月二十五日河北都轉  
運使杜衍等言準敕同羣牧判官邊調相度將大名廣  
平兩監見管馬數撥併就便牧放已將廣平兩監馬數  
內第一監撥赴大名兩監其廣平第二監撥與安陽淇  
水第一監就草地牧放去訖今點記下三歲大馬三千  
一百四十四匹乞令便撥赴左右廂大馬監收管從之  
二年二月七日羣牧司言洺州廢罷廣平兩監緣此監  
興置年深自來少有拋死今揀到好骨格馬一千九百  
餘匹欲乞且存留廣平監以就養牧詔存留一監慶  
曆五年閏五月二十八日羣牧司言同州沙苑一監見

管草地一萬一千四百六十餘頃所管馬才及一千八百餘匹請自本司邢官一員檢察從之 皇祐元年四月二十五日羣牧司言許州長葛馬監乞更不令知縣并都監管勾專令許州知州通判今後要兼同監牧事仍令通判逐季往本監點檢諸般官物從之 治平四年神宗即位未改元六月十七日詔同州沙苑監令隸陝西提舉監牧司本監使臣亦令選舉更不屬左廂提點 十九日羣牧司言欲令河北河東陝西有都總管各於本路近環慶係官草地置監一所令陝西監牧司將馬約定年額牽送上京外據餘數逐旋分撥與諸路馬監久遠既成倫序即本路馬軍可以自辦從之 十

一月十四日環慶路經畧使李肅之郾延路經畧使陸  
誥陝西制置解鹽判官李師錫並言本路無係官草地  
又密邇西界難以興置馬監其同州沙苑監近割屬陝  
西監牧司可以增添馬詔陝西四路都總管司更不興  
置馬監仰陝西監牧司廣市善種務令審息以備逐路  
諸軍闕馬又詔河東路都總管司於太原府交城縣置  
馬監先是遣尚書北部員外郎崔台符往河北東路  
按官田將以牧馬汾州得故牧馬地三千二百頃其中  
有民先佃者令納芻豆以備寒月馬上槽秣飼仍俟明  
年春於沙苑監移牝五百匹往本監牧養熙寧元  
年詔河南諸大馬監為孳生監仍量度宜畜牧地土在

外諸監馬地分屬兩使時分置河北河南監牧使仍有  
是旨八月五日庫牧司言係牧馬監縣令逐縣主簿乞  
兼令本監主簿同管勾帳籍官物從之仍令轉運提刑  
司不得差出 二年五月河北監牧使崔台符言諸馬  
監各有奇巧工匠及有會奇藝者不少欲乞盡揀送本  
監換廂軍入監從之 八年閏四月五日詔沙苑監令  
復屬庫牧司餘北京元城等八監並廢罷之時廢河南  
河北兩監牧司故有是詔 九年三月七日詔河北已  
廢諸監廨宇草場等並許人戶租賃以上國朝會要高  
宗 紹興二年十月四日臣僚言乞置牧馬監詔令三  
省樞密院措置既而樞密院言欲專委饒州知通於四



望山東西岸等處踏逐係官堪充孳牧羣馬地土置監  
孳養蕃息羣馬知通專一提領每月各給茶湯錢十貫  
令樞密院取旨差曾經馬事使臣五員前去饒州與本  
州提領官同共措置其孳生馬毋令神武諸軍并諸路  
州軍剗刷係官馬先次具數申樞密院差人管押前去  
饒州交割候綱馮到却令支填其合行事件令提領官  
疾速條具申樞密院從之 三年六月二十三日三省  
樞密院進呈置監牧養馬事上曰馬政不可緩然須擇  
人而任之殺馬之禁尤當嚴切頤浩等曰殺馬之罪與  
牛等顧民間未知之上曰可令有司舉行犯者必捕之  
則姦可戢矣 八月十九日提舉饒州孳生監牧事都

漸言朝廷遵倣祖宗舊制置監鄱陽推行孳生之利牧地不可以不廣棚井不可以不備草料不可以不儲林木不可以不植烽堠壕塹不可以不置務在當職之更公共辦集令主管監牧已委知通而責令佐未有明文樞密院勘會雙港置孳生監牧地去州不遠已降指揮專委知通兼行主管難以更責令佐詔孳生監牧司棚井及應合用物色如闕仰却漸一面移文知通應辦九月二十二日却漸言近降指揮監牧地踏逐係官地土緣雙港近下難得全係官田如有民田將係官田撥換如不足即支還價錢切詳所降指揮蓋欲使地土寬廣以便出牧緣勅置之初務在早獲就緒今來內有合行

撥換官田肥瘠高下事須相當充置民田所估價直理  
須優厚以至給還之間無令減剋留滯方始易於充買  
仍出給公據付人戶收執照會庶幾公私平允無搔擾  
之患兵部勘當欲下江南東路轉運司依都漸所乞事  
理施行外戶部右曹契勘常平司所管田產依法並估  
價出賣如未售即量立租課權召人承佃其賣到錢并  
所收租課並係充常平賑濟等支用欲乞下江東提刑  
司及常平司取見置監牧地內有常平司所管田產令  
本監依寶直價錢充買并行下提舉饒州監牧司照會  
詔依戶部勘當到事理施行 四年四月二十七日樞  
密院言提點臨安府孳生牧馬監楊志憫申得有臨安

府置孳生牧馬監差志憫兼充提點官所有合行事件  
條具申樞密院令先次條具下項 一契勘更令諸處  
官馬甚多若不別立印號切恐無以辨別欲乞行下所  
屬打造篆文牧字火印於羣馬左跨上烙印記號仍乞  
本監添置如意郡記於馬尾鞞上烙號所貴與諸處號  
記不同有所辨別亦隔弊倖 一合用等仗星拍子乞  
下所屬製造四尺一寸至四尺七寸七色等仗并拍子  
給降應付行使詔依工部行下所屬製造繳申樞密院  
給降八月十八日詔於餘杭縣南上下湖置孳生牧馬  
監知州充兼提舉官通判充兼同提舉二十一日詔孳  
生牧馬監已差官外其餘杭縣知縣尉並兼主管牧地

十三年六月二十八日吏部言都大主管成都府利州熙河蘭鞏秦鳳等路茶事兼提舉陝西等路買馬監牧公事賈思誠契勘成都府裏外兩馬務監官依元祐六年勅令從本司辟差小使臣充自建炎三年宣司改差文臣主管今乞將上件員闕依法專差能幹事小使臣仍從本司選擇奏辟所有其他州府馬務監官亦乞依此本部勘當欲乞依本官所乞施行從之十二月二十一日江東安撫大使司參謀官觀國言瀕江沿海水草寬美之地皆可分置馬監以廣孳生之利然牧養之道亦必有方宜擇精明強幹之人先備行在馬監使令俾令習知其事然後委用分典監牧必能審寒暑之節

適飲飼之宜羈剪調御皆得其所量勞績等次以加旌  
賞人人得盡所能馬必至於蕃息矣從之 十六年九  
月十六日宰執進呈四川茶馬司等處相度到馬監利  
害上曰太祖皇帝初有天下沙苑置監牧馬就渭州水  
草後來京師亦於門外置監南方與北地水土不同難  
得牧馬去處更宜詳究利害 十九年四月六日詔孳  
生牧馬以五百匹為一監差置監官二員每牝馬一百  
匹牡馬二十三匹為一群零匹付群每群差軍兵醫獸  
七十人將病別置監差官一員軍兵醫獸據馬數差破  
醫治養餵如倒弊一釐以下生駒五分監官轉一官倒  
斃三釐以下生駒四分減三年磨勘倒斃六釐以下生

駒三分減二年磨勘軍兵醫獸全無倒節級槽頭醫獸  
各轉一資軍兵支錢一十貫倒斃一釐以下生駒五分  
節級槽頭各轉一資仍支錢七貫醫獸支錢一十貫軍  
兵支錢一十五貫選牧放歲久依名次補二人充槽頭  
頭斃三釐以下生駒四分節級槽頭各轉一資仍支錢  
五貫醫獸支錢七貫軍兵支錢一十貫倒斃五釐以下  
生駒三分節級槽頭各轉一資醫獸支錢五貫軍兵支  
錢七貫倒斃及二分生駒三分監官罰俸一月倒斃及  
三分生駒二分展一年磨勘倒斃及四分生駒一分展  
二年磨勘倒斃及五分生駒不及一分展三年磨勘軍  
兵槽頭節級醫獸倒斃及二分生駒三分杖六十倒斃

及三分生駒二分杖七十倒斃及四分生駒一分杖八十倒斃及五分生駒不及一分杖一百從樞密院承旨司所請也八月二日詔收馬監孳生蕃息官吏推恩下項武節郎閻門宣贊舍人崔良輔特轉一官武經大夫閻門宣贊舍人班毅從義郎閻門祇候黃思齊各特轉兩官白身人華安道莊思永並特與補承信郎以上中典會要 孝宗隆興元年九月十六日樞密使都督江淮軍馬魏國公張浚奏承中使鄧從義傳旨令置孳生馬監欲乞於揚州踏逐水草穩便去處起蓋監厓就安守臣向子固提舉許差監官文武臣共二員內先差一員幹置餘候措置就緒日差從之十月十四日詔支錢

四

十一



五萬貫與向子固措置馬監使用十二月三十日詔茶馬司將歲額川陝綱馬差人管押至漢陽軍驛歇泊仍令三衙及江上諸軍將合得綱馬差人前去就漢陽軍取押委虞允文提領措置合用錢糧等項仰湖廣總領所應副合行事件令兵部看詳條具申樞密院 二年二月十二日知州向子固言准指揮於本州踏逐水草穩便處起置劉孛生監了當今相度且以一千匹作一監近緣江淮都督府拘刷過戶馬計四千餘匹即日無可收買今諸路大軍春揀欲乞下鎮江建康江池州駐劄軍於揀退馬內選無肺疾四尺四寸以上堪充馬公馬毋發付本監詔馬雖有疾不妨孛生但將不中披

帶發付揚州監五月十四日戶部侍郎淮東宣諭使錢  
端禮言契勘揚州孳生馬監有名無實見今牧養馬一  
百二十八匹皆驚駘下駟設有孳生亦不堪用枉費官  
錢欲委本路招撫司相視堪披帶者分撥諸軍不堪者  
估價出賣錢同見在錢樁管聽候指揮所有監厩之存  
留應副軍馬安泊從之 乾道三年十二月二十四日  
樞密院言勘會川陝綱馬經由水路已降指揮廢罷所  
有陸路合行置監歇泊詔令方滋踏逐措置申樞密院  
四年正月二十九日詔令趙搏於漢陽軍踏逐地段  
修蓋馬監令綱馬歇泊專委趙搏提領以收發馬盜為  
名仍於鄂州諸軍揀汰軍兵內選差五伯人養餵及於

統制統領官內選差一員提轄所有修蓋監屋槽具請  
給草料等令總領所應副餘合行事件令趙搏條具申  
樞密院五月十四日兵部言茶馬司差使臣自成都府  
及興元府押馬至漢陽軍馬監全綱至倒斃不及二分  
減二年半磨勘倒斃寄留及二分至不及三分展二年  
磨勘倒斃寄留及三分降一官資每增及一分更展一  
年磨勘餘分數准此遞展若綱中有瘡疥瘦瘠者亦合  
除豁已行約束今寄留倒斃猶自數多詔今後綱馬到  
監將寄留倒斃及四分以上押馬使臣并所押綱馬令  
趙搏差人管押赴樞密院聽候指揮十二月七日四川  
宣撫使虞允文奏京西荆南之地宜置孳生監於陝蜀

買騾馬四千歲率以二馬計一駒之數不五年可得萬馬况草地豐餘馬食自足臣頃使京湖見荆南鄂州軍亦以騾馬為用臣已撥錢十萬與張松年額外計置不數月間已買到五百餘匹若得旨奉行不三數年可足四千之數詔令張孝祥司馬倬趙搏張青同共相度措置條具利害申樞密院 五年四月十四日樞密院奏勘會近降指揮於漢陽軍收發馬監已選差統制官趙宏提轄并漢陽知軍同提點合立賞罰以示懲勸詔令趙搏歲終開具到監并倒斃網馬匹數申樞密院比較賞罰醫獸合千人一就具申施行 六年三月八日知荆南軍府劉珙言得旨於荆南管下踏逐到地名龍居

山措置牧馬養五百匹合差官兵二百四十人已行下  
荆南等一十州軍於揀大離軍人內依數刷差尚慮不  
足今又承鄂州都統趙樽備坐指揮所置馬監二十十  
匹合用養馬官兵二百二十人切慮差撥不行必致誤  
事欲望行下隣差浙西州事於揀汰人內選差從之六  
月七日樞密院奏勘會昨趙樽於德安府應城縣置孳  
生馬監乞用騾馬二十匹令茶馬司計綱起發前來詔  
令茶馬司將年應付趙樽軍騾馬十綱盡數起發赴應  
城縣馬監仍令趙樽照會措置施行九月八日三省樞  
密院奏勘會三衙戰馬見於浙西州軍牧放緣地氣黑  
蒸并餵飼芟草多致病瘦已降指揮移去建康府所有

衙日後取到綱馬理合一體詔令三衙行下取馬官并  
闕沿路州軍徑赴建康府委總領同統制官審驗印烙  
日下放行草料交付逐司牧馬官其賞罰並依綱馬到  
建康府體例施行仍具收到馬毛色尺寸齒數目中  
樞密院 九年閏正月二十三日鄂州駐劄御前諸軍  
都統制吳玠言本司承準應城縣孳生馬監自置監至  
今三年收到監馬六百三十疋除倒斃外見管三百三  
十疋占破養馬軍兵三百三人用過錢米草料添支共  
約十萬餘貫收到駒子五十一疋除倒斃外見管三十  
五疋不唯委是虛費財用欲乞將本監截日廢罷馬撥  
歸軍中軍兵各歸元來去處從之 二月二十三日樞

密院言勘會昨置漢陽軍收發馬監遇茶馬司發到綱  
馬並許欵泊一月將肥壯者撥發其病瘠者責令養餽  
醫治今來到監日久病瘦者甚多而方到監者有憊無  
病顯是本監提轄有失督責已降指揮委鄂州都統制  
提領並差統制提轄漢陽知軍同提點切恐都統制軍  
務至重漢陽知軍權輕難以責辦理宜措置詔更令湖  
北漕臣每旬輪差到監提督依立定格法每旬與見今  
提領提點提轄官同御具申樞密院仍關牒茶馬司照  
會施行有每歲比較賞罰照應前後素降指揮施行  
五月六日樞密都丞旨兼知荆南府華衡言照得荆南  
龍居山馬監見在騾馬等一百二十疋置監數年止生

到駒子十餘疋不堪披帶乘騎見令差破官吏軍兵一  
百五十餘人歲費萬緡誠為無補乞將馬監廢罷馬撥  
歸荆南神勁軍官吏軍兵發歸元來去處及見管錢物  
草料馬監屋宇之類委自安撫司拘收申樞密院從之  
十九日詔御前南蕩孳生馬監可罷見管馬令丞旨  
司驗火印訖均撥付殿前步軍司官兵發歸元來去處  
其所占地令轉運司拘收召人請佃內有侵占民地照  
契給還 二十日詔李楷馬監駒子內選留騎成太駒  
子二十疋撥付御馬院收養并合發軍兵內存留一百  
人 二十四日宰執進呈御前馬院開具到罷南蕩孳  
生馬監官兵并見管馬及草料等數上曰馬監所占田



地極廣今既還之於民甚便宰臣梁克家奏曰此事出自聖慮斷然行之民受其利十一月十二日樞密院言勘會四川綱馬已降指揮令三衙并江上諸軍差人前去取押所有漢陽軍馬監係歇泊去處將病馬權留醫治後痊可耐綱起發全藉監官專一管幹醫牧排發詔令吳挺於本軍統兵官內選差官一員專一措置歲終比較賞罰以上乾道會要

在建隆坊咸平元年置掌納諸州所市馬估直驗記置  
牧養以諸司使副一人內當真宗咸平元年十一月十  
十三日西京左藏庫使楊允恭言準詔估蕃部及諸色  
進貢馬價請印一鈺詔以估馬司印為文 六年七月  
詔自今蕃部中賣驃馬及諸班格尺者量與添錢收市  
景德元年九月詔估馬司收到蕃部省馬將良駕中  
分與兩驥驥院收管 大中祥符二年十二月詔估馬  
司每省馬到京若軍士慢易失於檯舉不甚者量行區  
分或與免放 三年正月詔諸州差押蕃部省馬到京  
令逐處具肥瘠分數公文付之令估馬司據以交割  
檢 四年五月詔應臣僚進馬委本司看驗如無病堪

支遣即分送驥驥院若有病患及十五歲以上不堪支  
配即迴賜本官仍具因依牒報訖奏八月詔估馬司每  
收蕃部鞍馬須依久例相度兩平估計不得虧損官司  
七年八月詔定押省馬上京綱官殿侍拋死寄留決  
罰條例天禧元年十一月詔估馬司今後收納臣僚  
謝恩并節序進奉馬時監勒獸醫人子細看驗以上國  
朝會要增會要以下無此門

宋會要

牧馬官

監牧使河北河南各置一員以朝臣二人充舊有羣牧  
制置使以樞密使領之嘉祐五年八月以權陝西轉運

副使薛向專領本路監牧及賀馬公事相度原州德順  
軍置買馬場其同州沙苑監并鳳翔府牧地勾當使臣  
更不下羣牧司舉官並令薛向保薦熙寧元年詔河南  
河北置監牧使統領外監不隸羣牧制置八年詔廢河  
南河北監牧司沙苑監復屬羣牧司

政和五年五月二十五日樞密

院言專功提舉京畿監牧司狀准令祠廟獻馬限一日  
申所屬州本州二日具牲牝毛齒歲尺寸差人依程牽  
赴提舉監牧司納本司契勘自來止是據憑諸處差人  
牽送到獻馬匹數送孳生監牧養即未有約束關防深

慮逐處及至京沿路不顧公法之人與差牽送馬人得  
以作弊隱匿貿易難以檢察本司相度欲乞今後合送  
納祠廟獻馬輒敢隱匿貿易者依條斷遣外並不以去  
官赦降原減庶革姦弊今檢會大觀三年十二月十四  
日樞密院修立下條諸州納到祠廟獻馬送孳生監牧  
養政和令諸祠廟獻馬限一日申所屬州本州三日內  
具牝牝毛色齒歲尺寸差人依程牽赴提舉京畿監牧  
司納本司看詳諸祠廟獻馬若盜詐或貿易雖有條斷  
罪誠恐未足禁戢况關防亦未嚴備理宜增立約束及  
注籍拘管其在官之人有犯既非緣公無用去官之理  
不須修立去官若以隱匿為文亦似未至詳顯合明立

盜詐之文今擬立如後諸盜詐或貿易祠廟獻馬者不以赦降厚減諸承報祠廟獻馬計程不到者移文勘會諸祠廟獻馬本州依限差人牽納外別具馬記驗去處記驗謂吊呈玉面前後脚白之類入馬遞預報專切提舉京畿監牧司仍歲終具獻馬人姓名逐匹字號供報本司詔依條修定宣和二年九月二十二日兵部奏檢會已奉御筆罷給地牧馬置監去處並如舊制劄付兵部遵依已降御筆處分具今來合置監及官吏人兵等具狀申本部檢准政和三年四月二十日三省同奉聖旨罷鄆州東平監宣和二年九月二日三省樞密院同奉御筆政和二年十二月以後給地牧馬條法可並



不施行應租佃牧地及置監去處並如舊制應合措置  
事件令逐路提刑司措置以聞勘會給地名人養馬係  
自政和二年十二月二十五日推行日只管同州沙苑  
監東平府東平監至政和三年四月內因給地牧馬廢  
罷東平監一所令承指揮給地牧馬條法更不施行應  
租佃牧地故置監去處並如舊制竊慮合以政和二年  
十二月未行給地養馬舊制置監去處施行所有差置  
官吏人兵等伏乞令本路提刑司依已降指揮疾速措  
置施行詔復置東平府東平監餘依兵部所申以上續

國朝會要

禱馬祀

全唐文

宋會要

馬政

太宗太平興國五年十一月十日帝親征河東出京前  
一日遣右贊大夫耿振就馬祖壇用少牢行禱馬之祀  
真宗景德二年六月二十五日群牧司言按周禮仲春  
祭馬祖天駟也仲夏祭先牧始養馬者仲秋祭馬社始  
乘馬者仲冬祭馬步災害馬者既載國經實助馬政雖  
有司常祀然而監牧之內因識舊儀望令騏驥院諸坊  
監務各置廟設四神像每四仲月委本司官以公錢致  
祭冀遵典禮之文用集宜主之禮詔崇文院檢閱故事  
以聞檢討官杜鎬等上言四神各有本壇以時奉祀難

別建廟但古禮用羊一今止用羊豕肉一斤八兩詔罷  
置廟祀用一羊

全唐文

宋會要 牧地

太宗淳化五年十二月詔閱視通利軍等數十處牧馬  
草地圖 先是太宗以園馬多地窄慮公私互有侵冒  
遣中官與使臣同往檢責泊進地圖指諸牧地甚寬不  
為民害也 至道二年閏七月詔邢州先請射草地並  
令撥歸牧龍坊自餘荒閑田土聽民請射 先是詔應  
荒閑田土許民請射充永業其間多有係牧龍坊草地  
者州與本坊互有論列久未能決乃遣中使相度而有  
是命仍俟秋收畢乃得取地入官 真宗景德元年四  
月命殿直垂遠乘傳往原渭儀等州及鎮戎軍案視放

牧草地 先是垂遠上言四川軍界有白草可歲刈取百餘萬束以秣飼戰馬真宗曰西鄙未能罷兵飛芻最費民力償如所言甚濟民費故有是命 七月知并州王嗣宗言西面諸州軍所市馬可以給戰士者並即時送壯面軍前瘦弱者並韋赴赴闕汾州地涼接棧煩諸監美水章望令於此處放牧暑月道遠免致死損從之十月群牧判官王曉言准詔諸州不堪放馬閑田召牧戶耕種不可許有田輸稅戶棄業分房請占又緣浮客戶多苦貧乏應募者少請依州縣職田例招主客戶種蔣以沃瘠分為三等輸課其州縣官吏使臣如招得民力依元詔批厝為勞績從之 二年八月以開封府學

究鄭麟言衛州新鄉縣東有牧龍鄉草地百餘里為戶  
民所占不輸租稅乃詔殿中丞祖昌世內侍高班石惟  
清同往按視凡得六百九十餘頃冒佃者三之一並伏  
還官以麟補三班借職三年八月令河北沿邊不得  
焚牧馬草地四年十月群牧司言諸監以草地充屯  
田遺卒種蒔所入不充其費今馬數益多闕人牧放請  
廢屯田仍為草地委所屬州縣探其疆畛免公私侵占  
從之 大十祥符二年正月群牧制置使陳堯叟等言  
准詔旨群牧歲息馬及萬則分為兩監監探牧馬地令  
臣等規畫以聞望下京東京西河北陝西轉運使并知  
鄆州馬元方除舊條官草地外應古來坊監舊牧龍坊

草地係官閑田即標立封墩其逐年逃土及今閑田有  
與民田相接者官利市之武易以沃壤無妨農種仍令  
判官李克勤田枝往來巡視俟標定訖本司上其勤課  
請行旌賞從之 三月群牧制置司言內外監牧所管  
草地雖已各起立封識委隨處檢校自今欲令每季具  
帳付群牧司管係從之 三月八日詔曰汶上與區東  
巡所出比從行慶用慰來蘇苟芻牧之是資慮農桑之  
失業特數朝旨永惠斯人其令侍御史裴宗元比部郎  
中表逢吉群牧判官李克勤等所標鄆州牧馬草地並  
特給與見佃戶為主所要牧放草地別經度以聞 四  
年十一月言西密務停廢空閑地據元係官步畝封標

充牧馬草地仍計會本係檢量起立封堦 七年三月  
侍衛馬軍司言雍丘等縣牧馬地多為民所盜耕詔遣  
官於本縣按籍參定立堦以表之 八月詔兗州管勾  
充牧馬草地並給還本主其係官閑地亦許人請射耕  
佃群牧司不得指占 仁宗景祐元年六月二十五日  
三司戶部副使王汾言乞令邢州更不供申群牧司洛  
州廣平監牧馬草地文帳其洛趙州先許人戶佃牧馬  
草地亦依例施行從之 慶厯二年正月詔權以同州  
沙苑監牧馬地為營田 嘉祐四年五月十九日差都  
官員外郎高訪往河北路先與逐監官員探定合召人  
耕佃牧馬地土不得多占頃數凡得剩田三千三百五



十餘頃歲課一十萬七千八百二碩絹萬三千二百五十一匹草十萬一千二百三十束 七年三月詔洛州廣平監牧地聽民請佃之以上國朝會要 神宗熙寧元年二月四日群牧司言樞密副使邵元乞將監牧馬剝地各立田官仰專管耕種之政以成牧養之利勘會左右廂馬監草地實管四萬八千二百餘頃今約以馬五萬匹為額每匹占地五十畝大名廣平四監共一萬五千餘頃剝地不多并原武監所管鳳凰陂八百頃係自來與諸坊監共占牧放欲並且依舊外所有原武單鎮洛陽沙苑淇水安陽東平等監地三萬二千四百餘頃馬三萬六百匹額數占放外可以擇良田一萬七千餘

頃召人租佃收草粟以備寒月支用委是利便從之  
十二月權河北監牧使崔台符言乞應係牧地人戶已  
占佃者並令供折所出租稅今從盡歸本路監牧司支  
用從之 二年十月十四日詔令群牧司檢尋故也租  
帳 三年六月二十三日群牧司言知扶溝縣姚闢乞  
自今永占馬牧地權給草欲令後院坊監牧永占草地  
如去坊監地速即令使臣等驅喝於近便州府縣鎮鄉  
村係官屋宇或寺觀祠廟安泊支草七分糧五勝候晴  
霽依舊所須什器所在官司應副仍同供照管從之  
四年正月十九日樞密 言諸路見行根括牧地頗聞  
搔擾春耕失時慮妨農務欲權罷根括候將來農闕別

聽朝旨從之 五年四月二十七日相度諸班直諸軍  
牧地司言乞依勾當官董鉞狀將侵耕牧地分為三等  
出租從之 七年二月四日詔廢鄆州東平監以其牧  
地聽民出租 元豐元年六月四日詔牧地諸課諸路  
委提點刑獄開封府界委提點司催納每年秋科限滿次  
季具納欠數上群牧司任滿無欠或欠不及二分令本  
司保明取旨即及三分以上並奏劾 三年正月二十  
八日詔郡牧廢監及諸軍班牧地租課積年逋欠遣太  
常博士路昌衡秘書丞王得臣與逐路轉運司開封府  
界提點司按租地依鄉原例定租課據歲輸之物酌三  
年價為準及合納見錢付逐司為年額若催趣違滯以

擅支封樁錢法論 六月十五日都大提舉淤田司請

以雍丘縣黃田等十棚牧地為官庄田從之 六年六

月十三日提舉河北路保甲狄諸言衛州連年牧地乞

並撥屬牧地官司拘籍以租課責轉司從之仍令自元

豐元年管認送納 哲宗元祐元年二月十六日永興

軍等路提刑司言作民庶狀興平縣靈寶鄉諸村地土

約二百四十餘頃並納二稅熙寧五年本縣逼勒退為

牧地乞依舊耕種令本司定奪聞奏如本路更有將民

戶稅地改為牧地亦依此今看詳欲免納租錢令依舊

從之 四年四月二十二日詔在京院坊監牧馬草地

近保太僕寺拘收者聽民間仍舊承佃從文彥博請也

紹聖元年六月二十六日右正言張商英言先朝廢  
河北京西等處馬監募民租佃而議養馬於涇沂隴之  
間未及施行元祐初收已租之田復置監收行之九年  
死生羸壯不足相補而又買馬官厯本失陷殆無文書  
可攷太僕卿少牽制恩舊謬悠行遣望選官會計虧羸  
孰講馬政以修武備詔送太僕寺 三年七月六日權  
知邢州張赴等言據知任縣韓筠等申請應有牧地縣  
分許第人戶投狀指請上色一頃給付人戶自得耕佃  
而蠲其租金養官馬一匹各於所屬縣籍其毛色尺寸  
歲歲給付每歲分番就縣令佐點若馬有死失許即時  
申縣自備印給非點集日許私自乘騎不得出本州界

若干里如元佃地人戶願養馬者祇令將文契批鑿除其租數若請不盡並不願請者依條召人租佃赴等看詳陝西沿邊置弓箭手授田不過一頃養馬一匹又役一丁一年之間備邊之日雖平時亦當過其半與今所陳事理相類而又無身丁之役有利無害望朝廷詳酌施行樞密院言先廢罷鄆州東平鄭州原武兩監及併衛州淇水兩監為一至熙寧八年詔河南北見管九監內沙苑監令屬群牧司餘八監並廢後盡以牧地募民租佃所收歲租計百餘萬元祐初興復監牧所費不貲殊未見効議者或欲以牧地召人租賃官給草料令百姓畜養或欲責以蕃息或欲令逐月赴官司閱視決責

或欲分配義勇保申或欲分配等第人戶以此終不可  
行今據張赴所稱體究得民間願得牧地養馬但再蠲  
其租課仍不責以蓄息俾養馬人戶無追呼勞擾之患  
并不願者不得抑勒可以施行今欲具為條畫榜示令  
太僕寺雕印施行應有監牧地分州縣曉諭人戶如第  
四等以上願請佃免納租課為官養馬者聽賞封於本  
縣役狀逐縣置歷收接月終具若干狀送州州縣並不  
得開拆具數申送太僕寺開牒申樞密院看詳取旨施  
行從之 四年五月十四日詔衛州潁昌府馬監並廢  
罷所有牧地仰太僕寺措置以聞詳見諸州監牧  
徽宗大觀元年二月二十五日提舉熙河蘭湟路牧馬司

奏據通判會州王火年中本城迺僻地土據人戶陳狀  
情願迺相委保各養馬一匹只乞就撥見佃迺僻地土  
充養馬田土本司檢准崇寧收馬令節文 談說閑田  
若已請射而無力耕許募人給養官馬即無人戶已請  
佃見出給租課地土亦許就撥充養馬明文本司未敢  
施行契勘給地養馬與出納租課其利略等今來若將  
人戶見納租課地土亦許人情願回充養馬必當早見  
就結詔給地養馬一取人願當不限已佃未佃之數  
四月二十八日都省劄子提舉熙河蘭湟路牧馬司奏  
檢會崇寧收馬令節文即是華生戰馬皆合牧養行下  
諸州縣檢養馬官取漢舊人情願收養逐等官馬去後



今據諸處點檢養馬官申召募到蕃漢人戶往往願養  
騾馬出駒納官本司契勘熙河最出產戰馬之地若取  
人戶情願養騾馬收駒者聽從其便每匹收三駒以勘  
收養二駒納官一駒給與馬戶充賞其孳生到駒先撥  
充養馬戶死損之數有餘配本路闕馬兵士如係騾駒  
本司別無支配即取朝旨撥付近裏孳生監有不堪披  
帶出戰及不孳生騾馬乞就近撥與馬舖充填遞馬貼  
黃稱兼體訪得諸州願養馬戶例合疑慮恐養戰馬緩  
急朝廷別有差撥今若令願養騾馬者聽從其便即人  
戶不疑出息亦厚收馬早就緒伏望詳酌施行詔依所  
奏仍每三駒以駒納官一駒充賞不限每匹之數其騾

馬戶不得過堪出戰之半 二年四月一日詔追述先  
王寓馬於農之意募人給地免租收馬行之養年熙河  
頗就緒然徒法不能自行要在州縣協力赴功以底成  
績可令縣鎮城寨關堡官衙內並帶兼管句給地牧馬事  
佐官同管句庶使人各知任責 五月一日詔昨降給  
地養馬之法雖以推行而地之頃數尚少訪聞多緣土  
豪侵冒官司失實牙吏欺隱百不得一自今被差括地  
之官限一日起發親詣地所如違及不實不盡杖一百  
故隱蔽者以違制論 六月十八日臣僚上言河朔沿  
西山林木茂密為逋逃藁素良以經界未明州郡推避  
乞應諸路州軍有迂僻山林沮洳深淀牧馬監地叢祠

等並令監司通相關會明立封界各以圖上剖析利害  
 以聞從之 政和四年十月二十三日刑部奏據秦鳳  
 等路提舉刑獄司狀今擬收地人戶久來租佃若已典  
 當與人只以見今租佃人為業即元典當人以元錢收  
 贖者聽仍依法養馬若業不離戶却係元業戶租佃者  
 令業戶與佃戶共養從之 五年八月二十五日尚書  
 省劄于勘會河東給地牧馬尚中行施行一年方奏到  
 文字尚足備及申乞改用鄴縣人戶給請復只乞上三  
 等擅欲改給地牧之法詔提舉河東路給地牧馬尚中  
 行送吏部與小處監當 宣和二年九月四日詔給地  
 收馬議者本以蕃息國馬為言今諸路倒失率以千計

自行法至今即無申到出駒匹數歲糜激賞既已浩瀚  
馬戶輒踰租稅科差致賦役日益不均因緣播擾為害  
不一所有政和二年十二月以後給地收馬條法可更  
不施行民戶見養官馬令樞密院相度拘收支填見今  
闕馬禁軍仍令逐路守臣兵官專一鈐束應租佃牧地  
及置監去處並如舊制內牧地先問舊佃人如不願佃  
即令見佃人依舊法租佃又不願即依條別召人承佃  
應合措置事件逐路提刑司措置以聞 二十二日兵  
部奏召人養馬係自政和二年十二月二十五日推行  
當時只管同州沙苑監東平府東平監至政和三年四  
月內因廢罷東平監一所今承指揮置監去處並如舊

制竊慮合以政和二年十二月未行給地養馬舊制置  
監去處施行詔復置東平府東平監餘依兵部所申  
六年九月八日中書省言河北西路提點刑獄司申奉  
聖旨給地牧馬路分勸誘召人養馬自降指揮至今年  
三月終召數數多去處牧馬官吏宜與旌賞州府官通  
所管縣分及一千匹以上縣官及三百匹以上並各與  
轉一官六百匹以上各更減三年磨勳令提點刑獄司  
保明合該賞官吏職位姓名申以上續國朝會要 高  
宗紹興十七年五月一日上謂輔臣曰川廣騾馬自來  
付王勝軍可令鎮江府進南運司採撥官地羨水草處  
放牧數年間便見蕃息此在軍政所當留意 十九年

三月二十三日宰執進呈牧馬賞罰格上曰牧馬孳生  
為利甚博朕於近地親令牧養今已見效每歲進呈馬  
駒皆是好馬若得萬匹分與諸庫牧養數年間便可濟  
用既免綱馬達表死損又無官兵賞給之費以上十條  
會要紹興三十二年九月三日孝宗即位表改元詔御

馬院放牧馬草地除承買承佃并係官地並依舊存留  
外應侵占鹽地民產寺觀等畝並取干墾田下墾還勿  
縱官吏因事苛擾 孝宗隆興元年五月十四日御旨  
江淮軍馬張浚言殿前步軍司諸軍戰馬屯在浙秀州  
等處牧放隊淮南句水草利便望並發遣前來就揚州牧  
放詔除未出戍諸軍戰馬外餘從之 十二年三十日

詔漢陽軍牧發馬監委本軍知軍選擇寬廣平易好水草處充牧放之地 乾道四年七月十六日詔差左親衛上將軍王權往淮西與淮南運副沈復權發遣和州胡昉同措置不係民田荒坡水草地牧養御前騎馬其後權等言相視到和州含山縣東十家亭西地名爲土衝一段約十餘頃並係荒坡草地可作監地內止有營田陸地五十畝迤西至臨關約二十餘里可作牧馬放場東南至滙胡草蕩約五里監地前有華陽洞澗水通流亦可以用船般運馬草含山縣西地名天公橋一段約五頃可作馬監迤西至臨關約十餘里可作牧馬放場東至縣河二里及至滙草蕩二十里可以用船般

運馬草上項田段並不係民田於內山衝有零小熟田  
妨礙收放往來路徑去處共約計有民田二頃有餘如  
措置馬監日即乞依市價收買作牧馬往來路徑詔令  
淮西轉運司將相視到條段畫行從實打量探立界至  
內民田估價承買並撥與御前馬院仍令所屬州縣照  
管勿令侵占不得因事苛擾 五年二月四日詔令殿  
前馬步軍司各差統制官一員前去建康府同江東帥  
漕臣於本府近便寬闊去處踏逐收放馬五千匹并牧  
馬官兵寨屋地段措置修蓋所有永豐圩收到稻穀令  
淮西總令所備管 六年九月八日樞密院勘會三衛  
戰馬見於浙西州軍牧放綠地氣早濕并銀飼芟草多



致病瘦已降指揮令就移前去建康府就水草豐美去處收放所有三衙日後取到綱馬理合一體詔令三衙行下取馬官并闕牒沿路州軍取徑路前去建康府委統領同統制官窩驗印烙日下放行草料交付逐司牧馬官如法養餵其賞罰並依綱馬到建康府體例施行仍具收到馬毛色尺寸齒歲數目申樞密院 七年正月二十四日詔令張松將三衙牧放馬候青草月分分撥往逐內殿前司揚州馬軍司和州步軍司六合縣一帶就青牧養 同日主管殿前司公事王琪言本司諸軍戰馬以四千八百餘匹日食草數浩瀚其建康府界多是沙田民產蘆蕩菜園少有湖澤出草去處伏見楊

州至高郵軍部百鎮一帶多是湖蕩芟草茂盛去處望  
將二千五百匹改移前去揚州牧養從之 二月十三  
日主管侍衛步軍司公事王友直言本司依已降指揮  
牧馬於六合縣就青牧養照得六合縣一帶平陸熟田  
即無草場今見得真州管下團二帶中頗有青草水路  
便於般刈與六合縣相去不遠乞改撥三兩軍就真州  
牧放團窩至揚州二十餘里窩處殿前司及鎮江牧放  
人兵前來界內打刈青草別致爭競乞令總領所委官  
同鎮州探撥立定界至從之 六月一日鎮江府駐劄  
御前諸軍都統制成閔言鎮江府艱得草地乞發戰馬  
七百一十六匹馬軍并傭兵等共一千二十人前去揚

州就草地收養從之 九年六月二十一日馬軍司言  
本司諸軍官馬未起發往建康府日逐年於姑城牧放  
今來步軍司指占牧放網馬緣本司別無所種草地望  
下兩浙轉運將元本司西溪所置草地盡數撥還詔令  
兩浙轉運司將權借撥與步軍司草蕩地內探撥千畝  
毋令互有爭訟 已上乾道會要

宋會要

涼棚

太祖建隆四年五月詔諸州有戰馬涼棚處并差令本  
縣官管勾真宗景德二年二月詔河北諸州牧馬涼棚  
乏材木者當以閑散官解軍及伐官木充用不足即市  
木以充不得率民及伐其園林先是轉運司上言當賦  
棚木於民真宗曰河朔戎寇之後民力凋弊不可輒有  
賦率又屯兵多罷戰馬大半歸河南不須廣有營葺故

有是詔三年八月提點府界凌策言中牟縣今年計度  
 增修馬棚二十七去年牧馬止用棚十一望下監牧來  
 年定合用棚數修蓋庶無枉費從之四年四月詔聞鄆  
 州科率馬棚大木於民而掌納者復多選退遣使罷其  
 事仍劾官吏擅賦之罪天禧元年五月群牧司言贊大  
 夫傅蒙請於邢州鉅鹿縣南漳河長盧渡造橋以便放  
 牧今檢本渡課利錢歲止五六千墾廢渡造橋從之  
 仁宗慶歷八年十月二十六日開封府界提點諸縣鎮  
 公事李舜元言府界一十三縣牧馬棚計一百二十六  
 座每春初計料修蓋於鄉村等八戶稅錢上預先科配  
 椽箔材料等令本戶送納百姓糜費甚大追呼催督搔

擾不絕諸縣據逐棚井便一例修蓋及致人馬到棚內  
有差出軍分不來收放虛開棚井十有四五經夏風雨  
復為損壞臣欲乞今後每過年終令諸縣行移公文計  
會殿前馬步軍司取索合要棚井數目候見的確軍分  
將在縣馬棚相度地勢高原水草近便者速行添修準  
備人馬到棚其餘更不檢計修蓋免致枉費財用疲困  
民力詔送開封府殿前馬步軍司神宗熙寧元年四月  
八日羣牧判官李端卿言舊條內外坊監委使臣與縣  
官等用雜使官錢收買青白楊榆遠棚界至裁種欲乞  
立定賞罰遞相交割如青活及萬數與理勞績如依前  
不切用心其點檢官員并本監使臣並以違制論其監

牧提點等司不實亦乞重行朝典從之二年十二月四日權河北監牧使崔台符言伏覩諸監牧地甚有難置棚井之處欲乞委自本司擘畫召民耕佃其錢只得收買馬種孳生詔令施行以試一歲之效三年十一月二十一日詔司農寺開封府中牟縣馬棚十七座名側近人戶三兩名看管許於放牧地耕種上等田三兩頃免納租課歲令栽植榆柳以備棚材第四等以下與免本等差役今後更不以稅戶棚子祇應